



CORPORE sit duplicis formæ Hermaphroditus in vno
 Vnâque sit facies fœmina, & vna viri.
 Oscula dein, gemino velut ore reciproca dentur:
 Quæ blando alterna sunt in amore vices.
 Hinc vtrunq; Sophos carnem vnâ dicat: at inde
 (Dum pugnant:) Satyrus rideat esse duos.
 Carne quòd esse duos cornutus Hebræus in vna
 Iusserit: hoc corpus denotat Androgynon.
 At quòd non deceant diuisos iurgia sponfos:
 Id Satyrus μῶπος qui reprehendat: adest.
 Casibus aduersis solatia vtrinque ferendis,
 Sintq; decussatim brachia iuncta cruce.
 Sic vt dactylion dextro super vbere laua,
 Corq; sinistro habeat dextra manus latere,
 Ille fidem sponsam, viuacem hoc signat amorem.
 Vnâ vt conueniant hinc amor, inde fides.